

ЎЗБЕКИСТОН РЕСПУБЛИКАСИ  
ВАЗИРЛАР МАҲКАМАСИННИГ  
ҚАРОРИ



ПОСТАНОВЛЕНИЕ  
КАБИНЕТА МИНИСТРОВ  
РЕСПУБЛИКИ УЗБЕКИСТАН

, 22 “ ноябрь 2017 й. г.

№ 936

Тошкент ш. – г. Ташкент

**Ўзбекистон Республикаси Вазирлар Маҳкамаси ҳузуридаги  
Қатағон қурбонлари хотираси давлат музейи ва ҳудудлардаги  
олий таълим муассасалари тузилмасида Қатағон қурбонлари  
хотираси музейларини ташкил этиш чора-тадбирлари тўғрисида**

Эл-юртимиз озодлиги, эркинлиги ва мустақиллиги учун олиб борилган кўп  
йиллик мاشаққатли курашларни ҳаққоний ва тўлақонли акс эттириш, мустабид  
тузум давридаги оммавий қатағонлар туфайли қурбон бўлган, инсонийлик шаъни,  
қадр-қиммати топталган ватандошларимизнинг хотирасини абадийлаштириш, ёш  
авлод қалбида Ватанга муҳаббат, истиқлол ғояларига садоқат туйғуларини  
кучайтириш мақсадида Вазирлар Маҳкамаси **қарор қиласди**:

1. Ўзбекистон Республикаси Фанлар академияси, Олий ва ўрта маҳсус  
таълим вазирлиги, Маданият вазирлиги, Қорақалпоғистон Республикаси Вазирлар  
Кенгashi ва вилоятлар ҳокимликлари, Республика Маънавият ва маърифат  
марказининг:

Ўзбекистон Республикаси Фанлар академиясининг Қатағон қурбонлари  
хотираси давлат музейи негизида Ўзбекистон Республикаси Вазирлар Маҳкамаси  
хузуридаги Қатағон қурбонлари хотираси давлат музейини (кейинги ўринларда  
Музей деб аталади);

худудлардаги олий таълим муассасалари тузилмасида юридик шахс  
мақомига эга бўлмаган Қатағон қурбонлари хотираси музейларини (кейинги  
ўринларда худудий музейлар деб аталади) ташкил этиш тўғрисидаги  
таклифларига розилик берилсин.

2. Куйидагилар:

а) Музейнинг асосий вазифалари ва фаолият йўналишлари этиб белгилансин:

мустабид тузум давридаги қатағон сиёсатининг сабаблари ва фожиали  
оқибатларини чуқур ўрганиш ҳамда уларни ҳаққоний ёритиш мақсадида музей  
экспозициясини ташкил этиш;

музей фондлари ва экспонатларини мамлакатимиз ва хориждаги қатағон  
сиёсати билан боғлиқ турли ҳужжатлар ва бошқа экспонатлар билан мунтазам  
бойитиб бориш;

қатағон қурбонлари хотирасини абадийлаштириш, уларни ёд этиш билан  
боғлиқ маънавий-маърифий тадбирларни ўтказиш, республика ва халқаро  
миқёсда илмий-амалий анжуманлар ташкил этиш;

қатағон қурбонларининг ҳаёти ва фаолиятини ўрганиш, ижодий меросини тўплаш, нашрга тайёрлаш ва чоп этиш;

республика таълим муассасалари билан ҳамкорликда музейда очик дарслар, маъруза ва семинар машғулотлари, талабаларнинг малакавий амалиёт ўташини таъминлаш, Музейнинг илмий базасидан фойдаланган холда юқори малакали мутахассисларни тайёрлашга кўмаклашиш;

худудий музейларга услубий ёрдам кўрсатиш ва уларнинг фаолиятини мувофикалантириш;

б) худудий музейларнинг асосий вазифалари ва фаолият йўналишлари этиб белгилансин:

худудларда мустамлакачилик ва мустабид тузум даврида ватанимиз озодлиги ва мустақиллиги йўлида ўз жонини фидо қилган, қатоғон этилган аждодларимиз ҳаёти ва фаолиятини атрофлича ўрганиш ва музей экспозициялари орқали кенг жамоатчиликка тарғиб этиш;

музей фондини бойитиш мақсадида худудларда олий таълим муассасалари профессор-ўқитувчилари, докторантлари ва талабалари иштирокида мунтазам равишда экспедициялар ташкил этиш;

худудлардаги илмий-тадқиқот ва олий таълим муассасалари ҳамда жамоат ташкилотлари билан биргаликда қатағон қурбонлари хотирасини агадийлаштириш максадида мавзули экспурсиялар, маънавий-маърифий тадбирлар, илмий-амалий анжуманлар ва кўргазмалар ўтказиш;

музей экспозицияларини ташкил этишда ахборот технологияларидан самарали фойдаланиш.

### 3. Қуйидагилар:

Ўзбекистон Республикаси Вазирлар Маҳкамаси хузуридаги Қатағон қурбонлари хотираси давлат музейининг тузилмаси 1-иловага мувофиқ;

Қатағон қурбонлари хотираси музейлари ташкил этиладиган худудлардаги олий таълим муассасаларининг рўйхати 2-иловага мувофиқ;

Худудлардаги олий таълим муассасаларининг тузилмасидаги Қатағон қурбонлари хотираси музейларининг намунавий тузилмаси 3-иловага мувофиқ тасдиқлансин;

Ўзбекистон Республикаси Вазирлар Маҳкамаси хузуридаги Қатағон қурбонлари хотираси давлат музейининг устави 4-иловага мувофиқ;

Худудлардаги олий таълим муассасаларининг тузилмасидаги Қатағон қурбонлари хотираси музейларининг намунавий низоми 5-иловага мувофиқ тасдиқлансин.

Музей директорига, зарур бўлганда, Музей тузилмасига ходимларнинг тасдиқланган чекланган умумий сони ва иш ҳақи фонди доирасида ўзгартиришлар киритиш хуқуки берилсин.

4. Қуйидагилар Музей ва худудий музейлар фаолиятини молиялаштириш манбалари этиб белгилансин:

а) Музей бўйича:

Музейни сақлаш учун ажратиладиган Ўзбекистон Республикаси Давлат бюджети маблағлари:

Ўзбекистон Республикаси Давлат бюджетидан давлат илмий-техник дастурларини амалга ошириш учун ажратиладиган маблағлар;

фаолият ихтисослиги бўйича кўрсатиладиган хизматлардан олинган даромадлар;

халқаро молия институтлари, хорижий ташкилотлар, донор мамлакатлар ва ташкилотларнинг грантлари;

жисмоний ва юридик шахсларнинг ҳомийлик хайриялари;

қонун ҳужжатларида тақиқланмаган бошқа манбалар;

б) худудий музейлар бўйича:

олий таълим муассасаларининг худудий музейларни сақлаш учун ажратиладиган бюджетдан ташқари маблағлари (тўлов-контракт асосида ўқитиш учун тувиумларнинг факат тўлов-контракт микдорининг оширилган қисми);

Ўзбекистон Республикаси Давлат бюджетидан давлат илмий-техник дастурларини амалга ошириш учун ажратиладиган маблағлар;

фаолият ихтисослиги бўйича кўрсатиладиган хизматлардан олинган даромадлар;

халқаро молия институтлари, хорижий ташкилотлар, донор мамлакатлар ва ташкилотларнинг грантлари;

жисмоний ва юридик шахсларнинг ҳомийлик хайриялари;

қонун ҳужжатларида тақиқланмаган бошқа манбалар.

5. Қорақалпоғистон Республикаси Вазирлар Кенгаши ва вилоятлар ҳокимликлари Ўзбекистон Республикаси Олий ва ўрта маҳсус таълим вазирлиги билан биргаликда икки ой муддатда худудий музейларга уларнинг асосий вазифалари ва фаолият йўналишларирига мос бинолар ажратилишини ва уларга худудий музейлар белгиланган тартибида жойлаштирилишини таъминласинлар.

Белгилаб қўйилсинки, зарур ҳолларда худудий музейлар учун ажратилган биноларни таъмирлаш ҳамда уларни мебель ва замонавий техник воситалар, шу жумладан интерактив инфокиоск ва мониторлар, стенд ва подиумлар билан жиҳозлаш Олий ва ўрта маҳсус таълим вазирлигининг Олий таълим муассасаларини ривожлантириш жамғармаси ва тегишли олий таълим муассасаларининг бюджетдан ташқари маблағлари ҳисобидан амалга оширилади.

6. Музей Ўзбекистон Республикаси Маданият вазирлиги, Олий ва ўрта маҳсус таълим вазирлиги, “Ўзархив” агентлиги, “Ўзбеккино” Миллий агентлиги, Фуқароларнинг ўзини-ӯзи бошқариш органлари фаолиятини мувофиқлаштириш бўйича республика кенгаши ҳамда Қорақалпоғистон Республикаси Вазирлар Кенгаши ва вилоятлар ҳокимликлари билан биргаликда 2018 йил 1 марта қадар худудий музейлар экспозицияларини яратиш, мустамлакачилик ва қатағон даврига оид ҳужжатлар, кино, фоно, фотоматериаллар ва ашёлар билан тўлдиришни таъминласин.

7. Белгилаб қўйилсинки:

Музей Ўзбекистон Республикаси Фанлар академиясининг Қатагон қурбонлари хотираси давлат музейининг барча хукуқ ва мажбуриятлари бўйича хукукий вориси хисобланади;

Музей директори ва унинг ўринбосарлари Ўзбекистон Республикаси Вазирлар Маҳкамаси томонидан лавозимга тайинланади ва лавозимдан озод этилади;

Музей юридик шахс макомига эга бўлган давлат муассасаси хисобланади, Ўзбекистон Республикасининг Давлат герби тасвири туширилган ва ўз номи давлат тилида ёзилган муҳр ва бланкаларга, мустакил балансга, банк хисоб ракамларига ва Ўзбекистон Республикаси Молия вазирлигининг Ғазначилигида шахсий ғазна хисобваракларига эга бўлади;

худудий музейлар фаолиятини амалга ошириш учун тегишли олий таълим муассасаларининг бюджетдан ташқари маблағлари бўйича алоҳида ғазначилик шахсий хисобвараклари очилади, белгиланган тартибда даромадлар ва харажатлар сметаси тасдиқланади;

Музей ва худудий музейлар ходимларига Ўзбекистон Республикаси Фанлар академияси илмий-тадқиқот муассасаларининг тегишли лавозимлари учун белгиланган меҳнатга ҳақ тўлаш ва моддий рағбатлантириш шартлари қўлланилади;

худудий музейлар идоравий мансублик жиҳатидан Ўзбекистон Республикаси Олий ва ўрта маҳсус таълим вазирлигига, услугий жиҳатдан Музейга бўйсунади;

худудий музейлар директорлари тегишли олий таълим муассаси ректори томонидан Музей директори ва Ўзбекистон Республикаси Маданият вазирлиги билан келишилган ҳолда лавозимга тайинланади ва лавозимдан озод этилади.

8. Ўзбекистон Республикаси Олий ва ўрта маҳсус таълим вазирлиги Музей билан биргаликда бир ой муддатда худудий музейларни малакали кадрлар билан таъминлаш чораларини кўрсинг.

9. Ўзбекистон Республикаси Фанлар академиясининг Тошкент шаҳар, Юнусобод тумани, Амир Темур кўчаси, “Шаҳидлар хотираси” ёдгорлик мажмуаси худудидаги бино Музейга оператив бошқариш хукуки асосида берилсин.

10. Ўзбекистон Республикаси Иқтисодиёт вазирлиги ва Молия вазирлиги Маданият вазирлигининг асосланган хисоб-китоблари бўйича 2018-2019 йиллар учун Ўзбекистон Республикаси Инвестиция дастурини шакллантиришда Музейни реконструкция қилиш бўйича лойиха-смета ҳужжатларини ишлаб чиқиш ва уни реконструкция қилиш учун зарур марказлашган капитал қўйилмалар лимитларини назарда тутсинг.

11. Белгилаб қўйилсинки, Музейни замонавий техник воситалар, шу жумладан интерактив инфокиоск ва мониторлар, стенд ва подиумлар билан жиҳозлаш учун зарур маблағлар Музейни асосланган хисоб-китобларига мувофиқ

Ўзбекистон Республикаси Давлат бюджети маблағлари хисобидан амалга оширилади.

12. Ўзбекистон Республикаси Молия вазирлиги Музейни замонавий техник воситалар, шу жумладан, интерактив инфокиоск ва мониторлар, стенд ва подиумлар билан жиҳозлаш ва 1 та автотранспорт воситасини харид қилиш учун зарур маблағларни Ўзбекистон Республикаси Давлат бюджетининг 2018 йилги параметрларида назарда тутсин.

13. Музейга 2 та, жумладан, 1 та шахсий бириклирлган ва 1 та маҳсус автотранспорт воситалари учун лимит ажратсин.

14. Ўзбекистон Республикаси Ахборот технологиялари ва коммуникацияларини ривожлантириш вазирлиги:

бир ой муддатда Музейни зарур алоқа турлари ва воситалари, жумладан, Хукумат телефон алоқаси билан белгиланган тартибда таъминласин, шунингдек, кенг қамровли интернет тармогидан фойдаланиш имкониятини яратсин;

икки ой муддатда Музей ва ҳудудий музейларга замонавий ахборот-коммуникация технологияларини жорий қилган ҳолда мавзуга оид виртуал экскурсиялар ташкил этиш, Музей ва ҳудудий музейлар экспозицияларида сенсорли ахборот киоскларини ўрнатиш ҳамда Қатағон курбонлари хотираси виртуал музейнин ташкил этиши чораларини кўрсинг.

15. Ўзбекистон Республикаси Маданият вазирлиги Олий ва ўрта маҳсус таълим вазирлиги билан биргаликда бир ой муддатда Музей ва ҳудудий музейларнинг самарали фаолиятини йўлга қўйиш, моддий-техника базасини ривожлантириш, экспозицияларни доимий тўлдириб бориши юзасидан комплекс чора-тадбирлар режасини ишлаб чиқсин ва тасдиқлаш учун Вазирлар Маҳкамасига киритсин.

16. Мазкур қарорнинг бажарилишини назорат қилиш Ўзбекистон Республикаси Олий ва ўрта маҳсус таълим вазири И.У.Мажидов, Маданият вазири Б.С.Сайфуллаев, Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри ҳокимлари зиммасига ҳамда Вазирлар Маҳкамасининг Таълим, илм-фан ва ёшлар сиёсати масалалари ахборот-таҳлил департаментига юклансин.


Ўзбекистон Республикасининг  
Бош вазири



А. Арипов

Вазирлар Махкамасининг  
2017 йил «22 » ноябрдаги  
936 - сон карорига  
1-илова

Ўзбекистон Республикаси Вазирлар Махкамаси хузуридаги  
Қатағон қурбонлари хотираси давлат музейининг  
ТУЗИЛМАСИ



Ходимларнинг чекланган умумий сони – 20 нафар.  
Илмий-техник лойиҳаларни амалга ошириш учун мутахассислар шартнома асосида кўшимча жалб этилиши мумкин.  
\*) Хизмат кўрсатувчи ходимлар сони қонун ҳуқуқсатларига мувофиқ нормативлар бўйича белгиланади.

Вазирлар Маҳкамасининг  
2017 йил «22» ноябрдаги  
936-сон қарорига  
2-илова

**Қатағон қурбонлари хотираси музейлари  
ташкил этиладиган худудлардаги олий таълим муассасаларининг  
РЎЙХАТИ**

т/р	Худуд номи	Музей ташкил этиладиган олий таълим муассасаси номи
1.	Қорақалпоғистон Республикаси	Қорақалпоқ давлат университети
2.	Андижон вилояти	Андижон давлат университети
3.	Бухоро вилояти	Бухоро давлат университети
4.	Жиззах вилояти	Жиззах давлат педагогика институти
5.	Навоий вилояти	Навоий давлат педагогика институти
6.	Наманган вилояти	Наманган давлат университети
7.	Самарқанд вилояти	Самарқанд давлат университети
8.	Сирдарё вилояти	Гулистон давлат университети
9.	Сурхондарё вилояти	Термиз давлат университети
10.	Тошкент вилояти	Чирчиқ давлат педагогика институти
11.	Фарғона вилояти	Фарғона давлат университети
12.	Хоразм вилояти	Урганч давлат университети
13.	Қашқадарё вилояти	Қарши давлат университети

Вазирлар Маҳкамасининг  
2017 йил «22» ноябрдаги  
936 - сон қарорига  
3-илова

**Худудлардаги олий таълим муассасалариning тузилмасидаги  
Қатағон курбонлари хотираси музейларининг  
НАМУНАВИЙ ТУЗИЛМАСИ**



Ходимларнинг чекланган умумий сони – 4 нафар.

Вазирлар Маҳкамасининг  
2017 йил “22” ноябр даги  
936-сон қарорига  
4-илова

**Ўзбекистон Республикаси Вазирлар Маҳкамаси ҳузуридаги  
Қатағон қурбонлари хотираси давлат музейининг  
УСТАВИ**

**1-боб. Умумий қоидалар**

1. Ушбу Устав Ўзбекистон Республикаси Вазирлар Маҳкамаси ҳузурида Қатағон қурбонлари хотираси давлат музейининг (кейинги ўринларда Музей деб аталади) асосий вазифалари, функциялари, хуқуқ ва мажбуриятларини, шунингдек унинг фаолиятини ташкил этиш тартибини белгилайди.

2. Музей ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига ҳамда ушбу Уставга амал қиласи.

3. Музей ўз фаолиятида Ўзбекистон Республикаси Вазирлар Маҳкамасига ҳисобот беради ва бўйсунади.

4. Музей ўз фаолиятида давлат ва хўжалик бошқаруви органлари, маҳаллий давлат ҳокимияти органлари, нодавлат нотижорат ташкилотлари, хорижий ва халқаро ҳамда бошқа ташкилотлар билан ҳамкорликда амалга оширади.

5. Музей юридик шахс макомига эга бўлган давлат муассасаси ҳисобланади, Ўзбекистон Республикасининг Давлат герби тасвири туширилган ва ўз номи давлат тилида ёзилган муҳр ва бланкаларга, мустақил балансга, банк ҳисоб рақамларига ва Ўзбекистон Республикаси Молия вазирлигининг Газначилигига шахсий ғазна ҳисобваракларига эга бўлади.

6. Музей жойлашган жой (почта манзили): Тошкент шаҳри, Амир Темур кўчаси, “Шаҳидлар хотираси” майдони, 100184.

7. Музейнинг расмий номи:

давлат тилида – O’zbekiston Respublikasi Vazirlar Mahkamasi huzuridagi Qatag’on qurbanlari xotirasi davlat muzeyi;

рус тилида – Государственный музей Памяти жертв репрессий при Кабинете Министров Республики Узбекистан;

инглиз тилида – State museum in memory of the victims of the repressions under the Cabinet of Ministers of the Republic of Uzbekistan.

**2-боб. Музейнинг асосий вазифалари ва функциялари**

8. Куйидагилар Музейнинг асосий вазифалари ҳисобланади:

мустабид тузум давридаги қатағон сиёсатининг сабаблари ва фожиали оқибатларини чукур ўрганиш ҳамда уларни ҳаққоний ёритиш мақсадида музей экспозициясини ташкил этиш;

музей фондлари ва экспонатларини мамлакатимиз ва хориждаги қатағон сиёсати билан боғлиқ турли ҳужжатлар ва бошқа экспонатлар билан мунтазам бойитиб бориш;

қатағон қурбонлари хотирасини абадийлаштириш, уларни ёд этиш билан боғлиқ маънавий-маърифий тадбирларни ўтказиш, республика ва халқаро миқёсда илмий-амалий анжуманлар ташкил этиш;

қатағон қурбонларининг хаёти ва фаолиятини ўрганиш, уларнинг ижодий меросини тўплаш, нашрга тайёрлаш ва чоп этиш;

республика таълим муассасалари билан ҳамкорликда музейда очик дарслар, маъруза ва семинар машғулотлари, талабаларнинг малакавий амалиёт ўташини таъминлаш, Музейнинг илмий базасидан фойдаланган ҳолда юқори малакали мутахассисларни тайёрлашга кўмаклашиш;

худудлардаги олий таълим муассасалари тузилмасида юридик шахс мақомига эга бўлмаган Қатағон қурбонлари хотираси музейларига (кейинги ўринларда худудий музейлар деб аталади) услубий ёрдам бериш ва уларнинг фаолиятини мувофиқлаштириш.

9. Музей ўзига юклатилган вазифаларни бажариш учун қуидаги функцияларни амалга оширади:

*а) мустабид тузум давридаги қатағон сиёсатининг сабаблари ва фожиали оқибатларини чукур ўрганиш ҳамда уларни ҳаққоний ёритиш мақсадида музей экспозициясини ташкил этиши соҳасида:*

Ўзбекистоннинг мустабид тузум давридаги тарихини бирламчи манбалар, архив ҳужжатлари, матбуот материаллари асосида атрофлича тадқиқ этади;

илмий изланишлар натижасида жамланган тарихий материаллар ва музей ашёлари асосида музей экспозициясини яратади ва такомиллаштиради;

музей экспозицияларини ташкил қилишда замонавий ахборот-коммуникация технологияларидан самарали фойдаланади;

хорижий мутахассислар томонидан нашр этилган қатағон даврига оид замонавий илмий ва сиёсий, бадиий адабиётлар электрон базасини яратади;

республиканинг илмий-тадқиқот ва таълим муассасалари, давлат ва хўжалик бошқаруви органлари ва бошқа ташкилотлар билан ҳамкорликда илмий-тадқиқот ишларини олиб боради;

хорижий мамлакатларнинг турдош музейлари, илмий-тадқиқот ва таълим муассасалари билан биргаликда белгиланган тартибда илмий изланишлар олиб боради;

қатағонлар туфайли қурбон бўлган мутафаккирлар, машхур фан ва адабиёт арбоблари шарафига бағишлиланган республика ва халқаро илмий-амалий анжуманлар, семинарларни ташкил этиш ва ўтказишида иштирок этади;

б) музей фонdlари ва экспонатларини мамлакатимиз ва хорижедаги қатагон сиёсати билан бөглиқ турли ҳужжатлар ва бошқа экспонатлар билан мунтазам бойитиб бориши соҳасида:

республика ва хорижий мамлакатларнинг архивлари ҳамда кутубхоналарида сақланаётган ҳужжатлар ва бирламчи манбалар бўйича илмий изланишилар олиб боради;

республиканинг турли ҳудудлари ҳамда хорижий мамлакатларга илмий экспедициялар уюштириш асосида янги музей ашёларини тўплайди;

қатағон қурбонлари авлодларининг хотиралари ва оғзаки тарих материаллари асосида монографиялар, илмий рисолалар тайёрлайди;

в) қатағон қурбонлари хотирасини агадийлаштириши, уларни ёд этиши билан бөглиқ маънавий-маърифий тадбирларни ўtkазиши, республика ва халқаро миқёсдаги илмий-амалий анжууманларни ташкил этиши соҳасида:

музей йўналиши бўйича ўтказилиши режалаштирилган анжууманлар ва турли тарихий саналар муносабати билан кўргазмалар ташкил этади;

қатағон қурбонлари авлодлари ва ёшлар иштироқида хотира кечалари ҳамда давра сұхбатлари уюштиради ва ўтказади;

алоҳида буюртмалар асосида қатағон этилган ватандошларимизнинг уй-музейлари экспозицияларини ташкил этишда иштирок этади;

хорижий мамлакатларда музейшунослик соҳаси ва тарихий мавзуларда ўтказиладиган халқаро анжууманларда иштирок этади;

г) қатағон қурбонларининг ҳаёти ва фаолиятини ўрганиши, уларнинг ижодий меросини тўплаш, нашрга тайёрлаш ва чоп этиши соҳасида:

қатағон қурбонлари бўлган давлат ва жамоат арбоблари, фан, адабиёт намоёндаларининг республика ва хориждаги мавжуд илмий, адабий, публицистик меросини аниқлайди ва жамлайди;

мустамлакачилик, шу жумладан қатағон сиёсати ва унинг қурбонларига бағишлиланган монографиялар, альбомлар, китоблар нашр этади, ҳужжатли фильмларни суратга олади, матбуотда мақолалар эълон қиласи, тўпланган материалларни оммавий ахборот воситалари орқали тарғиб қиласи;

д) республика таълим муассасалари билан ҳамкорликда музейда очиқ дарслар, маъруза ва семинар машгулотлари, талабаларнинг малакавий амалиёт ўташини таъминлаш, Музейнинг илмий базасидан фойдаланган ҳолда юқори малакали мутахассисларни тайёрлашга кўмаклаши соҳасида:

таълим муассасалари билан инновацион-корпоратив ҳамкорлик шартномаларини тузади ва улар асосида музейда очиқ дарслар, маъруза ва семинар машгулотлари, талабаларнинг малакавий амалиёт ўташини таъминлайди.

музей етакчи олимларининг олий таълим муассасаларида ўқув жараёнида қатнашишлари, талаба ва докторантларнинг илмий ишларига раҳбарлик қилишлари учун зарур чораларни кўради;

катағон даври тарихига оид илмий фаолият билан шуғулланаётган тадқиқотчиларга музей фонди материалларидан фойдаланиш учун зарур шартшароитлар яратади;

олий таълим муассасаларининг профессор-ўқитувчилари таркиби малакасини оширишни ташкил этишда иштирок этади;

*e) ҳудудий музейларга услугбий ёрдам берииш ва уларнинг фаолиятини мувофиқлаштириши:*

худудий музейлар учун экспозициянинг намунавий концепцияси ва намунавий тематик режасини ишлаб чиқади ҳамда шу асосда тайёрланган ҳар бир худудий музей экспозицияси концепцияси ва тематик режасини тасдиқлайди;

худудий музей экспозициясини яратишида, уни бойитиб боришда услугбий ва амалий ёрдам беради;

худудий музейларнинг йиллик иш режаларини кўриб чиқади ва зарур тавсияларни беради.

### **3-боб. Музейнинг хуқуқлари ва мажбуриятлари**

10. Музей ўзига юклатилган вазифалар ва функцияларни бажариш учун қуидаги хуқуқларга эга:

давлат ва хўжалик бошқаруви органлари, маҳаллий давлат ҳокимияти органларидан ўз ваколатига кирувчи масалаларни ҳал этишга доир маълумотларни белгиланган тартибда сўраш ва олиш;

ўз ваколати доирасида конференциялар, семинарлар ва бошқа тадбирлар ўтказиш ҳамда бундай тадбирларда иштирок этиш;

илмий-тадқиқот ишларига республикадаги ва хориждаги мутахассисларни шартнома асосида жалб қилиш;

Музей ходимлари ва жалб қилинган мутахассисларни хорижий илмий-тадқиқот ҳамда таълим муассасаларига илмий тадқиқотларни амалга ошириши учун юбориш;

Музей фаолиятини такомиллаштириш, моддий-техника базасини ривожлантириш, асосий фондларни реконструкция қилиш ва таъмиглаш ишларини амалга ошириш масалалари бўйича Вазирлар Маҳкамасига таклифлар киритиш;

худудий музейлар фаолиятини услугбий жихатдан мувофиқлаштириш;

Музейда ходимларнинг моддий рафбатлантириш фондини тузиш.

Музей қонун хужжатларига мувофиқ бошқа хуқуқларга ҳам эга бўлиши мумкин.

11. Музейнинг мажбуриятлари қуидагилардан иборат:

Музей ашёлари ва коллекцияларининг жисман бут сақланиши ҳамда хавфсизлигини;

Музей ашёлари ва коллекциялари билан боғлиқ ҳисобга олиш хужжатларининг юритилиши ҳамда бут сакланишини;

Музей ашёлари ва коллекцияларидан илмий, маданий, маърифий ҳамда таълим мақсадларида фойдаланишини таъминлаш.

12. Музей ўзига юклатилган вазифалар ва функцияларнинг самарали бажарилиши учун бюджетдан ажратиладиган маблағлар ва унинг ихтиёридаги бонка маблағлардан мақсадли фойдаланишини учун жавоб беради.

#### **4-боб. Музей фаолиятини ташкил этиш**

13. Музейга белгиланган тартибда Ўзбекистон Республикаси Вазирлар Маҳкамаси томонидан лавозимга тайинланадиган ва лавозимдан озод этиладиган директор раҳбарлик қиласи.

Директорнинг Ўзбекистон Республикаси Вазирлар Маҳкамаси томонидан лавозимга тайинланадиган ва лавозимдан озод қилинадиган икки нафар ўринбосари бўлади.

14. Музей директори:

Музей фаолиятига умумий раҳбарликни амалга оширади ҳамда Музейга юкланган вазифалар ва функцияларнинг бажарилиши учун шахсан жавоб беради;

давлат ва хўжалик бошқаруви органларида ва бошқа ташкилотларда, шунингдек, халқаро ташкилотлар ва хорижий мамлакатлар вакиллари иштироқида ўтказиладиган расмий тадбирларда Музей номидан вакиллик қиласи;

Музей ваколатига кирувчи масалалар бўйича карорлар қабул қиласи ва Музейга юкланган вазифалар ва функцияларнинг бажарилиши учун шахсан жавоб беради;

Музейнинг илмий, илмий-техникавий, маъмурий фаолиятининг ўйналишларини белгилайди, унинг йиллик ва истиқболдаги иш режаларини белгиланган тартибда тасдиқлайди, илмий-тадқиқот ва бошқа жараёнларни ташкил этади:

аниқ мақсадга йўналтирилган дастур ва танлов мавзуларини, шунингдек, алоҳида топшириқ ва буюртмаларни амалга ошириш мақсадида Музейда вактинчалик тадқиқот гурухини ташкил этади;

Музейда ижро интизоми ҳолати бўйича бевосита раҳбарликни амалга оширади;

Музей таркибий бўлинмалари низомини ва Музей ходимларининг функционал вазифаларини белгиланган тартибда тасдиқлайди;

ўз ваколати доирасида ходимларни қонун хужжатларида белгиланган тартибда лавозимга тайинлайди ва лавозимдан озод қиласи;

зарур бўлганда, Музейнинг таркибий тузилмасига ходимларнинг белгиланган умумий чекланган сони доирасида ўзгартиришлар киритади;

ўз ваколати доирасида Музей ходимларининг бажариши мажбурий бўлган буйрукларни қабул қиласи;

Музей фаолияти юзасидан Ўзбекистон Республикаси Вазирлар Махкамасига ҳисобот беради.

Директор қонун хужжатлариға мувофиқ бошқа ваколатларни ҳам амалга оширади.

14. Музей директори вактинчалик бўлмаган тақдирда унинг вазифаларини бажариш директор ўринбосарларидан бирининг зиммасига юкланди.

15. Директорнинг илмий ишлар бўйича ўринбосари:

Музей таркибий бўлинмаларининг ишларини ташкил қилади ҳамда Музейга юкланган вазифалар ва функцияларнинг бажарилиши ҳамда бўлимларда ижро интизоми ҳолати учун шахсан жавоб беради;

ўзига бириклирлган масалалар бўйича хужжатлар лойиҳасини ва материалларни ўз вақтида ва сифатли тайёрлашни ташкил этади, топшириқларнинг бажарилиши юзасидан назоратни таъминлайди;

Музей иш режасида, шунингдек мутахассисларнинг шахсий иш режаларида назарда тутилган тадбирларни талаб қилинадиган давр мобайнида амалга ошириш ва мувофиқлаштиришни таъминлайди ҳамда ўрганилган масалаларнинг танқидий таҳлили асосида Музей директорига муҳокама учун таклифлар киритади;

Музей директорига бўлимлар ходимларини лавозимга тайинлаш ва лавозимдан озод қилиш, уларнинг малакасини ошириш, мукофотлаш ва интизомий жавобгарликка тортиш бўйича таклифлар киритади;

вазифалар тақсимотига кўра бошқа тегишли ваколатларни ҳам амалга оширади.

16. Директорнинг умумий ишлар бўйича ўринбосари:

Музей хўжалик фаолияти билан боғлиқ ишларни мувофиқлаштиради. Музей биноси, автотранспорт воситаси, асбоб-ускуналар, техника воситаларини сақлаш ҳамда уларни қайта тиклаш ва ўрнини тўлдириб бориш, шунингдек бинолар ва уларнинг атрофидаги тозаликка риоя этилишини таъминлайди;

Музей директорига ходимларни лавозимга тайинлаш ва лавозимдан озод қилиш, уларнинг малакасини ошириш, уларни мукофотлаш ва интизомий жавобгарликка тортиш бўйича таклифлар киритади.

17. Бош муҳофиз (фонд бўлими бошлиғи):

барча музей ашёлари ва музей коллекцияларини белгиланган тартибга мувофиқ ҳисобга олади;

Музей ашёлари ва музей коллекцияларини нобуд бўлиш ва ўғирланишдан ҳимояланган холда саклаш чораларини кўради;

музей ашёлари ва музей коллекцияларини ҳисобга олиш ва уларни сақлашга оид барча хужжатларни юритади;

музей ашёлари ва музей коллекцияларини ҳисобга олиш, сақлаш, таъмирлаш ва қўриқлашнинг ички тартибларини ишлаб чиқади;

музей ашёлари ва музей коллекцияларини ҳисобга олиш, сақлаш, таъмирлаш ва қўриқлаш, уларни жойдан-жойга кўчириш ишларининг тўғри олиб борилиши устидан назоратни таъминлайди;

Бош муҳофиз (фонд бўлими бошлиғи) музей директорининг қонун ҳужжатларига зид бўлган топшириғини олган тақдирда, уни бажаришдан олдин топширик зид эканлигини директорга ёзма равишда билдиради.

Агар, директор ўз топшириғини ёзма равишда қайта тасдиқласа, бош муҳофиз дарҳол бу ҳақда Музей бевосита бўйсунадиган юқори бошқарув органини хабардор қилиши шарт.

18. Музейнинг илмий-тадқиқот ва экспозиция масалаларини ҳал этиш учун жамоатчилик асосида Илмий кенгаш тузилади.

19. Илмий кенгаш таркибига директор (кенгаш раиси), унинг ўринбосарлари, бўлим мудирлари, шунингдек илмий ходимлар ҳамда бошқа илмий-тадқиқот ва олий таълим муассасалари вакиллари ҳамда юқори малака ва тажрибага эга бўлган (илмий даражаси бор ёки йўқлигидан қатъи назар) соҳа мутахассислари киради.

20. Ушбу Кенгаш музейнинг фаолиятини мамлакатимизда амалга оширилаётган ислоҳотлар жараёнига мақбул тарзда мувофиқлаштириб борадиган коллегиал орган ҳисобланади.

21. Қуйидагилар Музей фаолиятини молиялаштиришнинг асосий манбалари ҳисобланади:

Ўзбекистон Республикаси Давлат бюджетидан Музейни сақлаш учун ажратиладиган маблағлар;

Ўзбекистон Республикаси Давлат бюджетидан давлат илмий-техника дастурларини амалга ошириш учун ажратиладиган маблағлар;

хўжалик фаолиятидан тушадиган маблағлар;

халқаро молиявий институтлар, хорижий ташкилотлар, донор мамлакатлар ва ташкилотларнинг грантлари;

жисмоний ва юридик шахсларнинг ҳомийлик хайриялари;

қонун ҳужжатларида тақиқланмаган бошқа манбалар.

## 5-боб. Якунловчи қоида

22. Музейни қайта ташкил этиш ва тугатиш қонун ҳужжатларида белгиланган тартибда амалга оширилади.

Вазирлар Маҳкамасининг  
2017 йил «22» ноябрдаги  
936 - сон қарорига  
5-илова

**Худудлардаги олий таълим муассасаларининг  
тузилмасидаги Қатағон қурбонлари хотираси музейларининг  
НАМУНАВИЙ НИЗОМИ**

**1-боб. Умумий қоидалар**

1. Ушбу Низом ҳудудлардаги олий таълим муассасаларининг тузилмасидаги Қатағон қурбонлари хотираси музейларини (кейинги ўринларда ҳудудий музейлар деб аталади) асосий вазифалари, функциялари, ҳуқуқ ва мажбуриятларини, шунингдек унинг фаолиятини ташкил этиш тартибини белгилайди.

2. Ҳудудий музейлар идоравий мансублик жиҳатидан Ўзбекистон Республикаси Олий ва ўрта маҳсус таълим вазирлигига, услубий жиҳатдан Ўзбекистон Республикаси Вазирлар Маҳкамаси хузурида Қатағон қурбонлари хотираси давлат музейига (кейинги ўринларда Музей деб аталади) бўйсунади.

3. Ҳудудий музейлар ўз фаолиятида Ўзбекистон Республикасининг Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига ҳамда ушбу Низомга, шунингдек бошқа қонун ҳужжатларига амал қиласди.

4. Ҳудудий музейлар ўз фаолиятида давлат ва хўжалик бошқаруви органлари, маҳаллий давлат ҳокимияти органлари ва бошқа ташкилотлар билан ўзаро ҳамкорлик қиласди.

5. Ҳудудий музейлар юридик шахс мақомига эга бўлмайди, ҳудудлардаги олий таълим муассасаларининг тузилмасида ташкил этилади.

**2-боб. Ҳудудий музейларнинг асосий вазифалари ва функциялари**

**6. Куйидагилар ҳудудий музейларнинг асосий вазифалари ҳисобланади:**

худудларда мустамлакачилик ва мустабид тузум даврида ватанимиз озодлиги ва мустақиллиги йўлида ўз жонини фидо қилган, қатоғон этилган аждодларимиз хаёти ва фаолиятини атрофлича ўрганиш ва музей экспозициялари оркали кенг жамоатчиликка тарғиб этиш;

музей фондини бойитиш мақсадида ҳудудларда олий таълим муассасалари профессор-ўқитувчилари, докторантлари ва талабалари иштирокида мунтазам равишда экспедициялар ташкил этиш;

ҳудудлардаги илмий-тадқикот ва олий таълим муассасалари ҳамда жамоат ташкилотлари билан биргаликда қатағон қурбонлари хотирасини абадийлаштириш мақсадида мавзули экспурсиялар, маънавий-маърифий тадбирлар, илмий-амалий анжуманлар ва кўргазмалар ўтказиш;

мақсадида мавзули экскурсиялар, маънавий-маърифий тадбирлар, илмий-амалий анжуманлар ва кўргазмалар ўтказиш;

музей экспозицияларини ташкил этишда ахборот технологияларидан самарали фойдаланиш.

7. Худудий музейлар ўзига юкланган вазифалардан келиб чиқиб қуидаги функцияларни амалга оширади:

*а) худудларда мустамлакачилик ва мустабид тузум даврида ватанимиз озодлиги ва мустақиллиги йўлида ўз жонини фидо қилган, қатогон этилган аждодларимиз ҳаёти ва фаолиятини атрофлича ўрганиши ва музей экспозициялари орқали кенг жамоатчиликка тарғиб этиши;*

худудда қатағон сиёсатининг сабаблари ва оқибатларини, эрк ва озодлик йўлида зулм ва зўровонликка қарши ҳалқ кураши тарихини тадқиқ этиб, тадқиқот натижаларини худудда истиқомат қилаётган оммага етказади ва уни худуд тарихининг таркибий қисми сифатида акс эттиради, уларда аждодлар хотирасига нисбатан юксак хурмат ва эҳтиром туйғуларини шакллантиради;

алоҳида буюртмалар асосида қатағон этилган ватандошларимизнинг уй-музейлари экспозицияларини ташкил этишда иштирок этади;

мустамлакачилик, шу жумладан қатағон сиёсати ва унинг қурбонларига бағишлиланган монографиялар, альбомлар, китоблар нашр этади, ҳужжатли фильмларни суратга олади, матбуотда мақолалар эълон қиласи, тўпланган материалларни оммавий ахборот воситалари орқали тарғиб қиласи;

*б) музей фондини бойитии мақсадида худудларда олий таълим муассасалари профессор-ўқитувчилари, докторантлари ва талабалари иштирокида мунтазам равишда экспедициялар ташкил этиши соҳасида:*

олий ва ўрта маҳсус, касб-хунар таълими муассасалари, давлат ва хўжалик бошқаруви органлари, маҳаллий давлат ҳокимияти органлари, илмий ва илмий-техник муассасалар, нодавлат нотижорат ташкилотлари ва худуддаги бошқа ташкилотлар билан ўзаро манфаатли илмий ҳамкорликни ривожлантиради ва такомиллаштиради;

музейнинг етакчи олим ва мутахассислари томонидан худуддаги олий таълим муассасаларида маъруза машғулотлари ўтказилишини, музейда талабаларнинг малакавий амалиёт ўташи ва битирув малакавий ишлари тайёрланишини ташкил этади;

худуддаги олий таълим муассасалари билан инновацион-корпоратив ҳамкорлик шартномаларини тузади ва уларнинг асосида худудий музейда очик дарслар, маъруза ва семинар машғулотлари ўтказилишини таъминлайди;

худуддаги қатағон қурбонлари хотирасини агадийлаштириш, уларни ёд этиш, ўсиб келаётган ёш авлод қалби ва онгида ўтганлар хотирасига хурмат ва эҳтиром туйғусини шакллантириш билан боғлиқ маънавий-маърифий тадбирларни амалга оширади ва тарғиб этади.

*в) худудлардаги илмий-тадқиқот ва олий таълим муассасалари ҳамда жамоат ташкилотлари билан биргаликда қатағон қурбонлари хотирасини агадийлаштириши*

*мақсадида мавзули экскурсиялар, маънавий-маърифий тадбирлар, илмий-амалий анжууманлар ва кўргазмалар ўтказилиши соҳасида:*

фукароларни ва айниқса, ёш авлодни мустакиллик ва адолат тантанаси учун курашган фидоий ота-боболаримизнинг хотирасига хурмат ва эхтиром руҳида тарбиялашда иштирок этади;

эл-юртимиз озодлиги ва ёркинилиги йўлида, ҳалқимизнинг кадр-киммати, орномусини, миллӣй анъаналаримиз ва урф-одатларимизни химоя қилишда, босқинчи ва ёвуз кучларга карши машакқатли курашларда курбон бўлганлар хотирасини ёд этиш юзасидан тадбирлар ташкил этади;

худудий музей фондлари ва экспозицияларини мамлакатимиз ва худуддаги ҳамда хориждаги турли ҳужжатлар ва бошқа экспонатлар билан мунтазам бойитиб боришни таъминлайди.

*г) музей экспозицияларини ташкил этишида ахборот технологияларидан самарали фойдаланиши соҳасида:*

музей экспозицияларини ташкил қилишда замонавий ахборот-коммуникация технологияларидан самарали фойдаланади;

жаҳондаги машҳур музейларнинг бой тажрибасини таҳлил қиласида ва улардан амалиётла фойдаланиши чораларини кўради;

худудий музейлар экспозицияларини ташкил қилиш ва тарғиб этишда инновацион технологиялардан фойдаланиш усусларини ишлаб чиқади.

### **3-боб. Худудий музейларнинг ҳуқуқлари ва мажбуриятлари**

8. Худудий музейлар ўзига юкланган вазифалар ва функцияларни амалга ошириш учун қуидаги ҳуқуқларга эга:

давлат ва хўжалик бошқаруви органларининг худудий бўлинмалари, маҳаллий давлат ҳокимияти органларидан ўз ваколатига кирувчи масалаларни ҳал этишга доир маълумотларни белгиланган тартибда сўраш ва олиш;

ўз ваколатлари доирасида мустамлакачилик даври тарихида эрк ва озодлик йўлида ўз жонини фидо қилган аждодларимиз ҳаёти ва фаолиятини атрофлича ўрганиш ва музей экспозицияси орқали кенг жамоатчиликка тарғиб этиш масалаларини мувофиқлаштириш;

ўз ваколатига кирувчи масалаларни ҳал этиш учун шартнома асосида ташкилотларни, олим ва мутахассисларни, шу жумладан чет эллик олимлар ва мутахассисларни жалб этиш;

ўз фаолиятида худудий олий таълим муассасалари, нодавлат нотижорат ташкилотлар, жамғармалар ва илмий-тадқиқот ташкилотлари билан ўзаро ижодий ҳамкорликни амалга ошириш;

Худудий музейлар қонун ҳужжатларига мувофиқ бошқа ҳуқуқларга ҳам эга бўлиши мумкин.

9. Худудий музейларнинг мажбуриятлари қуидагилардан иборат:

музей ашёлари ва коллекцияларининг жисман бут сақланиши ҳамда хавфсизлигини;

музей ашёлари ва коллекциялари билан боғлиқ ҳисобга олиш ҳужжатларининг юритилиши ҳамда бут сақланишини;

музей ашёлари ва коллекцияларидан илмий, маданий, маърифий ҳамда таълим мақсадларида фойдаланишини таъминлаш.

#### **4-боб. Ҳудудий музейлар фаолиятини ташкил этиш**

10. Ҳудудий музейлар директорлари Музей директорининг Ўзбекистон Республикаси Маданият вазирлиги билан келишилган ҳолда тақдим этган тавсиясига асосан тегишли олий таълим муассаси ректори томонидан лавозимга тайинланади ва лавозимдан озод этилади.

Ҳудудий музейлар фаолиятини амалга ошириш учун тегишли олий таълим муассасаларининг бюджетдан ташқари маблағлари бўйича алоҳида ғазначилик шахсий ҳисобвараклари очилади, белгиланган тартибда даромадлар ва харажатлар сметаси тасдиқланади.

Ҳудудий музейлар ходимларига Ўзбекистон Республикаси Фанлар академияси илмий-тадқиқот муассасаларининг тегишли лавозимлари учун белгиланган меҳнатга ҳақ тўлаш ва моддий рафбатлантириш шартлари кўлланилади.

Ҳудудий музейлар таъминоти харажатларини маблағ билан таъминлаш Ўзбекистон Республикаси Давлат бюджети маблағлари ҳамда бюджетдан ташқари маблағлар хисобидан амалга оширилади.

11. Ҳудудий музейлар директори:

худудий музейлар фаолиятига раҳбарлик қиласи ҳамда ҳудудий музейларга юклangan вазифалар ва функцияларнинг бажарилиши учун шахсан жавоб беради;

худудий музейлар ходимлари ваколатларини белгилайди, улар ўртасида вазифаларни таксимлайди;

худудий музейлар ходимларининг ички меҳнат тартиби қоидаларига, лавозимлар йўриқномаси талабларига ҳамда хизматга оид ҳужжатлар билан ишлаш тартибига риоя этилишини таъминлайди;

давлат органларида, шу жумладан хуқуқни муҳофаза қилиш органлар ва судда, бошқа ташкилотларда ҳудудий музейлар номидан вакиллик қиласи ва ҳудудий музейлар манфаатини ҳимоя қиласи;

худудий музейлар ходимларини ишга қабул қилиш ва озод қилиш бўйича тегишли олий таълим муассасаса раҳбариятига таклиф киритади;

қонун ҳужжатларига мувофиқ бошқа ваколатларни ҳам амалга оширади.

12. Қуйидагилар ҳудудий музейларни фаолиятини молиялаштиришнинг асосий манбалари ҳисобланади:

олий таълим муассасаларининг ҳудудий музейларни сақлаш учун ажратиладиган бюджетдан ташқари маблағлари (тўлов-контракт асосида ўқитиш учун тушумларнинг факат тўлов-контракт миқдорининг оширилган қисми);

Ўзбекистон Республикаси Давлат бюджетидан давлат илмий-техник дастурларини амалга ошириш учун ажратиладиган маблағлар;

фаолият ихтисослиги бўйича кўрсатиладиган хизматлардан олинган даромадлар;

халқаро молия институтлари, хорижий ташкилотлар, донор мамлакатлар ва ташкилотларнинг грантлари;

жисмоний ва юридик шахсларнинг ҳомийлик ҳайриялари;

қонун хужжатларида тақиқланмаган бошқа манбалар.

### **5-боб. Якунловчи қоида**

13. Худудий музейларни қайта ташкил этиш ва тугатиш қонун хужжатларида белгиланган тартибда амалга оширилади.

